

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2025. godinu (Službene novine Kantona Sarajevo, broj: 06/25, 10/25 i 27/25), Pravilnika o dodjeli novčanog podsticaja za sufinansiranje nabavke nove poljoprivredne mehanizacije na području Općine Centar Sarajevo broj: 16-11-4742/25 od 05.08.2025. godine i Odluke o pokretanju postupka raspisivanja i provođenja javnog poziva broj: 16-11-4742/25 od 05.08.2025. godine, Općinski načelnik Općine Centar Sarajevo, objavljuje:

JAVNI POZIV

za dodjelu novčanog podsticaja za sufinansiranje nabavke nove poljoprivredne mehanizacije

I PREDMET JAVNOG POZIVA

Predmet Javnog poziva je dodjela novčanog podsticaja poljoprivrednim proizvođačima sa područja Općine Centar za nabavku nove poljoprivredne mehanizacije.

Mehanizacija koja je nabavljena na lizing, polovna ili putem komisione prodaje neće se uzimati u razmatranje i zahtjev će biti odbijen.

II PRAVO UČEŠĆA

Pravo na učešće po Javnom pozivu imaju fizička lica sa stalnim prebivalištem na području Općine Centar Sarajevo, vlasnici obrta, registrovanog za obavljanje poljoprivredne djelatnosti upisani u RPG i RK (Registar poljoprivrednih gazdinstava i Registar klijenata) sa izvršenim ažuriranjem u tekućoj godini, a koji su nabavili u tekućoj godini traktor, motokultivator, plug, balirku za sijeno, frezu, sijačicu, samohodnu kosačicu, kopačicu i druge uređaje i priključke, kao i novu opremu u biljnoj i animalnoj proizvodnji (muzilice, sistem za hranjenje, pojenje, vrcaljke za med, topionik za vosak, mašine za izradu satnih osnova, sistem za navodnjavanje "kap po kap", protivgradnu mrežu, prskalice za zaštitu bilja i drugu opremu).

Neprihvatljivi troškovi su:

-porezi, carinske, uvozne dažbine i ostale naknade državi, nabavka četverocikla-quadova
nabavka rezervnih dijelova, alata, sitnog inventara i potrošnog materijala (motorna ulja, maziva, goriva, traktorskih guma, plastenika..)

III ODOBRAVANJE SREDSTAVA I ROK U KOJEM SE PRAVO NA DODJELU SREDSTAVA MOŽE OSTVARITI

Sredstva za realizaciju Projekta obezbjeđena su u Budžetu Općine Centar Sarajevo za 2025. godinu u iznosu od 40.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći.

Javni poziv obuhvata dodjelu novčanih podsticaja za nabavku nove poljoprivredne mehanizacije što zavisi od visine cijene kupljene mehanizacije i to kako slijedi:

Kateg.	Iznos kupljene mehanizacije u KM	Novčani iznos podsticaja (fizička lica)	Novčani iznos podsticaja (obrti i žene fizička lica)
I	Iznos do 1000,00 KM	80% od vrijednosti računa	100% od vrijednosti računa
II	Iznos od 1000,00-10.000,00 KM	40% od vrijednosti računa (max. iznos 2.000,00 KM)	50% od vrijednosti računa (max. iznos 3.000,00 KM)
III	Iznos preko 10.000,00 KM	do 15% od vrijednosti računa (max. iznos 3.000,00 KM)	do 25% od vrijednosti računa (max. iznos 5.000,00 KM)

Pravo na dodjelu novčanih podsticaja za sufinansiranje nabavke nove poljoprivredne mehanizacije, podnosilac prijave na Javni poziv može ostvariti **samo po jednoj od navedenih kategorija**.

IV USLOVI ZA DODJELU

Uslovi koje kandidat treba da ispunjava za sufinansiranje nabavke nove poljoprivredne mehanizacije osim da imaju prijavljenu biljnu odnosno animalnu proizvodnju na području Općine Centar su:

- 1) Da podnosilac zahtjeva ima stalno prebivalište na području Općine Centar Sarajevo;
- 2) Da je registrovan kao poljoprivredni proizvođač u Općini Centar Sarajevo i da ima Rješenje o registraciji subjekta kod nadležnog organa;
- 3) Da je podnosilac zahtjeva upisan u Registar poljoprivrednih gazdinstava (RPG) i Registar klijenata (RK) u nadležnoj Službi Općine Centar Sarajevo i da je izvršio ažuriranje podataka u tekućoj godini;
- 4) Da je podnosilac zahtjeva kupio novu poljoprivrednu mehanizaciju u tekućoj godini;
- 5) Da je registrovao mehanizaciju koja podliježe registraciji;
- 6) Da podnosilac zahtjeva ima fakturu i fiskalni račun na ime podnosioca zahtjeva o kupovini nove poljoprivredne mehanizacije u tekućoj godini.
- 7) Da podnosilac zahtjeva ima otvoren i aktivan račun u banci;
- 8) Prednost pri dodjeli novčanih podsticaja imaju podnosioci zahtjeva koji do sada nisu ostvarili pravo u Općini Centar na novčani podsticaj za novu mehanizaciju, priključna sredstva i novu opremu u biljnoj i animalnoj proizvodnji.

NAPOMENA: Kandidati koji nisu u mogućnosti dostaviti potpunu prijavu u predviđenom roku obavezni su u momentu podnošenja prijave učiniti izvjesnim razloge zbog kojih nisu

bili u mogućnosti podnijeti potpunu prijavu. U navedenom slučaju, cijeneći navedene razloge, kandidatu može biti određen naknadni rok za upotpunu prijave.

V SADRŽAJ POTREBNE DOKUMENTACIJE

Potrebna dokumentacija:

- 1) Popunjen i potpisan prijavni obrazac – zahtjev (potpisan od podnosioca zahtjeva);
- 2) Faktura i fiskalni račun na ime podnosioca zahtjeva o kupovini nove poljoprivredne mehanizacije u tekućoj godini (izdati u tekućoj godini);
Ukoliko prodavac ne podliježe fiskalizaciji, na fakturi mora biti upisan broj rješenja nadležne porezne uprave na osnovu kojeg je prodavac oslobođen fiskalizacije;
- 3) Ovjerenu izjavu u općini da će poljoprivrednu mehanizaciju, priključna sredstva i opremu u biljnoj i animalnoj proizvodnji koristiti isključivo poljoprivredno gazdinstvo i da istu neće prodati ili davati u zakup u naredne tri godine od dana ostvarivanja novčanih podsticaja.
- 4) Dokaz o otvorenom i aktivnom računu u banci (ne stariji od 6 mjeseci);
- 5) Uvjerenje o izmirenim poreskim obavezama za tekuću godinu za podnosioca zahtjeva koji imaju registrovanu poljoprivrednu djelatnost.

Dokumenti koji se prilažu moraju biti originali ili ovjerene kopije.

Prijavni obrazac se može preuzeti na info pultu Općine Centar i na sljedećem linku:

<http://www.centar.ba/stranica/javni-pozivi-euprava>

VI NAČIN I ROK ZA PODNOŠENJE ZAHTJEVA

Javni poziv ostaje otvoren 60 (šezdeset) dana od dana objavljivanja Javnog poziva u dnevnom listu, web stranici i oglasnim pločama mjesnih zajednica.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

**Općina Centar Sarajevo
Mis Irbina 1
71000 Sarajevo**

**Sa naznakom "Za Javni poziv za dodjelu novčanog podsticaja za
sufinansiranje nabavke nove poljoprivredne mehanizacije"
„NE OTVARAJ“**

Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa. Konačnu odluku o dodjeli sredstva za sufinansiranje nabavke nove poljoprivredne mehanizacije donosi Općinski načelnik, a u skladu sa važećom Odlukom o izvršavanju budžeta Općine.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja. Nakon okončanog postupka po prigovorima Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Neblagovremeni zahtjevi/prijave neće biti razmatrane.

VII OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv.

Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva zainteresovana lica mogu pozvati Službu za privredu i poslovne prostore-Odsjek za privredu na broj telefona: 033/562-512, ili e-mail: ajla.hadzalic@centar.ba.

Općinski načelnik

Srđan Mandić